



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax: +387 33 726 423
e-mail: info@voda.ba

Broj: **UP-1/25-2-40-442-3/23**
Datum: **08.12.2023. godine**

„Agencija za vodno područje rijeke Save“ Sarajevo (u daljnjem tekstu: AVP Sava) rješavajući po zahtjevu „BANJA ILIDŽA“ d.o.o. Sanski Most, za izdavanje vodne saglasnosti za izgradnju sportsko-rekreacionog centra, na osnovu člana 139. stav (1) Zakona o vodama („Službene novine Federacije BiH“, broj 70/06) i člana 129. stav (2) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

ZAKLJUČAK

o prethodnoj vodnoj saglasnosti

obustavlja se postupak, kod ove Agencije pokrenut po zahtjevu „BANJA ILIDŽA“ d.o.o. Sanski Most za izdavanje vodne saglasnosti za izgradnju sportsko-rekreacionog centra sa hotelom, vanjskim i unutarnjim bazenom, lociranim u naselju Vrhpolje, općina Sanski Most, izgrađen na zemljištu označenom kao k.č. broj 30/1, K.O. Podovi, općina Sanski Most.

Obrazloženje

Pravno lice, „BANJA ILIDŽA“ d.o.o. Sanski Most, obratilo se ovoj Agenciji dana 11.10.2023. godine zahtjevom za izdavanje vodne saglasnosti za izgradnju sportsko-rekreacionog centra sa hotelom, zatvorenim i otvorenim bazenom, lociranim u naselju Ilidža - Hrustovo, na zemljištu označenom kao k.č. broj 30/1, K.O. Podovi, općina Sanski Most te je kod ove Agencije pokrenut postupak za izdavanje vodne saglasnosti, dana 13.10.2023. godine.

Uz zahtjev za izdavanje prethodne saglasnosti dostavljena je i pregledana slijedeća dokumentacija:

- Rješenje o izmjenama podataka, broj: 017-0-Reg-20-000449, izdano dana 29.09.2020. godine od strane Općinskog suda u Bihaću (ovjerena kopija),
- Kopija naloga za plaćanje upravne pristojbe na iznos od 60,00 KM,
- Rješenje o vodnoj dozvoli, kojim se korisniku „BANJA ILIDŽA“ d.o.o. Sanski Most daje vodna dozvola za znavatanje termomineralne vode iz dva bunara na lokaciji zdravstveno-liječilišnog kompleksa Sanska Ilidža, izgrađenih na području naselja Vrhpolje, na zemljištu označenom kao k.č. broj: 30/1 K.O. Podovi (novi premjer), općina Sanski Most; izdano od strane Agencije za vodno područje rijeke Save Sarajevo pod brojem UP-I/25-3-40-268-9/21, dana 23.07.2021. godine (kopija),
- ANEKS 3 Ugovora o koncesiji za eksploataciju izvora termomineralne vode Banje „Sanska Ilidža“ u Sanskom Mostu; zaključen sa koncesorom: Federalnim ministarstvom poljoprivrede, vodoprivrede i šumarstva pod brojem 01-1-21/4-1778-9/21, dana 03.06.2022. godine (kopija),
- Rješenje, kojim se utvrđuje da poslovne prostorije koje koristi d.o.o. „BANJA ILIDŽA“ Sanski Most, zastupano po direktoru Mujdžić Azizu ispunjavaju uvjete minimalno-tehničke opremljenosti i zaštite na radu poslovnih prostorija i druge uvjete za pružanje ugostiteljskih usluga: - Sobe za iznajmljivanje, i ista će poslovati pod nazivom d.o.o. „BANJA ILIDŽA“ Ilidža, P.J. Sobe za iznajmljivanje, Ilidža bb, Sanski Most, 2. Djelatnost utvrđena uvidom u Klasifikaciju djelatnosti Bosne i Hercegovine („Službeni glasnik BiH“, broj: 84/06) šifra djelatnosti: 55.90. 3. Imenovani je dužan izvršiti kategorizaciju objekta kod nadležnog

organa; izdano od strane Općinske službe za privredu i komunalne djelatnosti općine Sanski Most pod brojem UP-1-02-22-2-769/11, dana 06.07.2011. godine (kopija),

- Uvjerenje o poreznoj registraciji; izdano od strane Federalnog ministarstva financija – finansija, Porezne uprave - Kantonalni ured Unsko-sanskog kantona, dana 14.04.2010. godine (kopija),
- Obavještenje o razvrstavanju pravnog lica prema djelatnosti, naziv podrazreda iz Standardne klasifikacije djelatnosti u koju je pravno lice razvrstano: Ostale rekreativne djelatnosti, d.n., šifra podrazreda djelatnosti: 92.720; izdano od strane Federalnog zavoda za statistiku Sarajevo – Službe za statistiku za područje Unsko-sanskog kantona pod brojem 04-32.5-1-44002917090004/04, dana 14.04.2010. godine (kopija),
- Geodetski snimak (kopija),
- Rješenje odobrenja za građenje (nečitljivo i nekompletno, kopija).

Uvidom u dostavljenu dokumentaciju uz zahtjev za izdavanje vodne saglasnosti za izgradnju sportsko rekreacionog centra, lociranog na zemljištu označenom kao k.č. broj: 30/1 K.O. Podovi, Općina Sanski Most, konstatirano je da je podnosioc zahtjeva priložio i rješenje o vodnoj dozvoli za zahvatanje termomineralne vode na predmetnoj lokaciji. Navedeno rješenje je izdano pod brojem UP-I/25-3-40-268-9/21, dana 23.07.2021. godine, sa rokom važenja na dvije godine, od dana pravosnažnosti.

Budući da je na predmetnoj lokaciji izdana vodna dozvola za zahvatanje termomineralne vode, podnosilac zahtjeva je pismenim putem, dana 07.11.2023. godine, pozvan da se izjasni da li se predmetni zahtjev odnosi na izdavanje nove vodne dozvole za zahvatanje termomineralne vode ili, kako je navedeno u podnesku zahtjeva, na izgradnju sportsko rekreacionog centra.

Podnosilac zahtjeva se dana 21.11.2023. godine, pismenim putem izjasnio da je imao namjeru da podnese zahtjev za izdavanje nove vodne dozvole za zahvatanje termomineralne vode na predmetnoj lokaciji te je priložio izjavu kojom odustaje od predmetnog zahtjeva za izdavanje vodne saglasnosti.

Na osnovu izloženog, a u skladu sa članom 129. stav (2) Zakona o upravnom postupku (Službene novine FBiH" broj: 2/98 i 48/99), rješeno je kao u dispozitivu ovog zaključka.

Upuća o pravnom lijeku:


Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta

Ahmet Smajlović, dipl. inž. arh.

Po ovlaštenju
Rukovodilac sektora za izdavanje vodnih akata
Haris Ališehović, dipl. inž. građ.



Dostaviti:

- „BANJA ILIDŽA“ d.o.o. Sanski Most, Ilidža bb, 79 260 Sanski Most
- AVP Sava, ISV – Vodna knjiga
- Sektor 50
- Sektor 40, arhiva